

石

匱

書

石匱書卷第九十八

明 叙南張 岱著

蔣貴山雲王信列傳

蔣貴江都籍徙居紹興之諸暨遂世為諸暨人代父
為燕山衛卒成祖靖難累戰功世昌國衛指揮同
知又從征北國以九龍口大松嶺功陞都指揮僉事
充叅將擊番賊深入奪橋斬關進指揮同知命鎮守
松潘番人再叛討平之陞都督僉事充副總兵盡平

諸番陞總兵挂平蠻將軍印仍命鎮守正統元年召
還陞右都督充總兵官討戎王阿台擒乃顏剌忽李
羅等三年封定西伯七年征木麓川大捷晉平西侯
加祿米與世券貴奮起行伍能與士卒同甘苦凡出
境搗賊衣糧器仗身自擔荷不從一人臨陣冒險衝
敵、皆披靡雖目不識字短於謀畧然天性朴寔忘
已下人以故所向成功登上將爵通侯為一時名將
卒贈涇國公謚武勇子義病不能嗣十四年孫琬嗣

侯成化初挂平羌將軍印充總兵官出守甘肅勅巡
按御史罪狀曰臺官豈盡桓典耶八年任南京操江
上言六事極言江防控扼要害保護南京根本重地
須加意綢繆十年召還管團營二十年挂平胡將軍
印出雲中塞禦鹵并統制宣府山西諸軍覘鹵入偏
頭關斬捕有功時議徙鵬鶚堡於滴水崖琬曰獨石
八堡聲勢相首尾滴水崖寫遠益難援救不可徙

上從之卒贈涼國公謚敏毅成化二十三年庶子驥

嗣正德四年歷嗣嘉靖十一年傳嗣三十五年佑嗣
萬曆三年建元嗣諸暨有地名天子墓列塚如北邙
貴父遇地師曰此山有佳穴恨塚淺耳令貴父穴之
數丈貴父貧携妻孥造一蘆舍寢處其地日夜掘之
深數丈始下窆數月後聞鬼語曰某不應有此地一
鬼曰侯已入胎矣經年生貴封拜後到山不知其穴
但遙祭之洪武初言東南有王氣命湯信公至越相
地聞天子墓名斷其脉成汪貴至正統間始大發

山雲徐州人父青從高帝起百戶以靖難功官至
都督僉事雲姿貌魁梧善騎射用門子官金吾左衛
指揮使與都御史王彰修邊自居庸屬山海從文
皇出塞力戰累遷都督僉事宣德元年柳慶諸蠻常
朝烈等糾合溪洞猺獞劫掠臨桂諸縣是時鎮遠侯
顧興祖為鎮守頗有平賊功而坐貪淫逮繫朝命公
侯大臣舉代者皆言雲遂使往雲至出兵前討賊溪
峒猺獞悉力迎戰雲一鼓擊却之賊退保山巔山勢

險峻草木叢密賊挂木於藤壘石其上官軍至斷藤
下木石無敢近者雲夜半束火牛羊角縱之山下賊
謂官軍至亟斷藤下石以明度其木石盡乃率衆鼓
噪而登遂盡破之雲前後馘永淳忻城馬平阜嶺三
部未賓葫蘆柳城上油遷江諸寨峒賊六千九百四
十奪還所獲男婦千三百八十有七馘思恩安定五
山馬平柳慶潯梧強寇三千二百六十有九奪所禽
男女九百八十禽殺興安諸邑寇二百九十有四七

源等州土官歸附家屬三百七十有七築堡九城四
舖舍五百餘區陶磚鑿石增厚崇高猛獍皆望風竄
匿居民安堵者可十歲雲謀勇鷙發而端潔如寒士
公賞罰嚴辦令與士卒同甘苦每戰臨機應變為士
卒先廣西故時鎮帥至諸土官輒饋獻帥輒受之久
之坐敗雲始至時聞府中有老隸鄭牢者敢言召而
問之曰古稱將不忌貧廣西去京師遠土官有饋獻
亦故事我寧受否牢曰白衣污墨終不可湔將至鎮

也新與潔衣也詎堪污耶雲曰人言土夷饋獻不納
且我疑將陰中我奈何牢曰為官黷貨法當死將軍
不畏死天子畏死夷邪雲舉手禮牢曰教我教我於
是盡却土官饋獻威嚴馭之土官皆服凡有征調亡
敢後顧有至死不敢言歸者雲所駐節處詠里老
撫安善良原註誤察誣枉廣西人益感雲愛先雲守
廣西者韓觀亦英武有文顧頗喜誅殺至雲人稱其
仁亡如也雲常墜馬傷股宣宗賜璽書馳醫往事

累遷左都督在鎮八賜璽書正統初卒贈懷遠伯謚
襄毅命其子俊襲府軍前衛指揮廣西人悲號立祠
塑像祀之雲所問老隸常逮事韓觀，好醉後殺人
牢輒留之待觀醒更白以是牢名至今在士大夫口
王信南鄭人正統中世官寬河千戶父忠征迤北戰
歿母岳氏生信半歲持節旌為忠臣節婦己巳鹵犯
京師拒戰西直門論功陞指揮僉事景泰六年從征
五開蠻遷指揮同知天順五年破曹欽東市遷指揮

使成化初守通州改守倒馬關移守荆襄二年石和
尚劉千斤反荆襄信進據房陸民兵不滿千人賊四
千餘衆突至圍信主帥逗留不援信多張旗舉火晝
夜不息歷四旬餘間以死士出城五六里舉火砲賊
以為援兵至驚走追斬有功陞都指揮同知鎮臨清
兼管食粮移鎮湖廣條陳八事又條上慎專任寔倉
儲修兵衛禁科罰四事 憲宗十七年疏言湖廣蠻
夷雖腹中之蠹寔無能為但我軍奸黠之徒利其竊

發可以邀功今但選精銳常加隄防勿蹈前非其患
自息荆襄流逋本意逃避徭役長于老孫已成家業
濫加誅殺恐傷和氣南畝之農無所蓄積收穫未竟
餓糧已空機杆絳停布縷何在乞選公正仁惠守令
大加存卹濫陞官員無慮千百無一矢之勞冒崇階
之賞乞查勘削奪三司方面所以折衝禦侮永宣激
揚當公以格物庶以律已所部指揮劉斌張全智勇
過人力薦於朝且云英俊之子處心剛正寧肯抑心

低首奔走媚求若不屈加攬訪則賢才多隱志士沉
匿陸都督同知總理漕運即日上道嘗語人曰荷國
厚恩未能報稱此行當以江水洗滌肺腑少盡區區
信沈毅藺重被服儒素出入省驛從厯鎮大邦不營
私產平居默坐展玩經史出鎮三十年苟無華衣廐
無肥馬鈴閣之下寂無人聲尚書劉大夏嘗曰予在
本兵日每用一將官思得王君寔若人那討得來提
學沈鍾嘗稱信操履潔白如馬援曹彬謙厚如祭遵

嗜學如杜預料事鑿如趙充國不愧古之名將子
繼善從善皆舉進士有名

石匱書曰蔣定西出身行伍雖至大將猶推鋒陷堅
不避鋒鏑使不遇靖遠已自致身通侯矣驥特能用
貴非貴附驥也山懷遠身先士卒果勇善戰與定西
頡頏而無靖遠之王君寔誅帝跗注居然儒者後世
邊陲有事使得此一人焉亦何至敗壞若此哉

石廬書卷第九十九

明 劔南張 岱著

郭登楊洪羅通列傳

郭登者武定侯英諸孫也年七歲讀書過目成誦十
歲能屬文伯都督常撫其頂曰麟鳳兒也吾弟其不
死矣永樂二十二年充勲衛正統七年征麓川靖遠
伯王驥薦登為副分兵鎮臨安檄召諸夷長宣布朝
廷威德諸夷長帖服爭獻珍具却不受十四年虜入

塞急進都督僉事副劉安守大同一日鹵騎猝至登
出戰被執鹵欲加害登叱曰我總兵也鹵噤指不敢
動即以皮帳卧登帳垂四角以木挺昇登往見酋長
又與夾騎而行登體肥重鹵以其不便趨走防獲稍
懈登忽縱身騰躍拉酋于隨攘其肘奪馬突圍疾馳
還營鹵遣十騎追之不獲七月上親征至萬全成
國公朱勇西寧侯宋瑛武靖伯朱冕全軍覆沒倉卒
議班師登告學士曹鼐張益曰駕入互從紫荊關

等入告已得請乃忽東折向居庸繞四十里圍至
上北狩當是時大同堡塢蕭條城門盡閉人心危疑
登慷慨自奮修城繕兵拊循士卒吊死問喪創傳
藥衆皆感戴或登曰事已至此城旦夕且破自苦無
益登曰吾誓與賊存亡當不使君輩獨死也八月虜
奉 上皇至城下索金幣約賂至即歸駕登閉門不
納且登俾謝甫曰賴社稷之靈國已有君矣 上皇
怒傳旨曰朕與登有姻婭何外朕若此登遣人奏曰

臣奉朝廷命守城不敢擅啓閉竟不出劉安等同知
府霍暄出見納賂而也先寔無歸罵意登曰此給我

耳莫若東間出死士劫其營奪駕入城此上策也曰

召壯士與之盟激以忠義曰事成當封侯受上賞壯
士皆踴躍願效死將遣行或以危言沮之酋遂驚疑

擁上皇去登大慟哭曰奴才米敗吾事時賊勢張

甚劉安借他故還京師登獨堅守大同十月酋以請

和為名犯京師登率所部并糾集忠義從雁門入援

先以蠟書馳奏其畧曰胡馬長驅三關失險賊留連
內地為患非輕臣今悉起官軍民壯入護關庭京兵
擊於內臣兵擊於外使賊有腹背受敵之患首尾不
收之虞又曰忠誠在已敢忘報國之心成敗在天不
負為臣之節奏至賊已退優詔褒荅再上疏言國
雖回離邊不遠傳報有云黃河已凍且向延綏青草
復生再侵京闕事雖未信情亦可疑十二月鹵欲復
犯京師登以京兵親選不可輕發又疏曰今日之計

可以養銳不可浪戰可以用智不可開勇其涑水易
州真定保定一帶皆堅壁清野京兵分據獮角安營
以逸待勞以主待客勿求僥倖歷右都督景泰元年
正月賊入境率兵躡之行七十里至水頭諜報二十
里外沙窩賊營十二皆自朔州掠回登召將士問計
皆曰賊衆我寡莫若全軍而返登曰我軍去城百里
其疲困一退避賊以鐵騎來追雖欲自全得乎即按
劍起曰放言退者斬漏下二鼓徑薄賊營漸明賊以

數百騎迎戰登奮勇先登諸軍繼進呼聲振山谷登
射墻二人手刃一人賊大敗追奔四十餘里至拷撓
山斬首酋二百餘級奪還人馬器械以萬計捷聞封
定襄伯是役也登以八百騎破酋數千自酋入寇以
來此為戰功第一閏正月獲酋謀二人械至京皆也
先所親信鞠之云喜寧與也先謀遣人至京覘兵衆
寡大明皇帝未立期今年五月名送 上皇奪京城
誘也先入寇皆喜寧及田小兒也先戰大同把八平

章死戰北京邛那孩平章及其弟索羅死人馬約九萬戰死殍死不下萬餘老營駐九龍口其精銳在斷頭山又言鹵甚怕我大砲神銃短鎗登憤邊事未戢弊政猶存思得公庶有為者相與共事上疏曰往者承平日久人心驕佚在官既無廉恥之心蒞政唯肆貪淫之志釀成汚濁之風致有夷狄之禍又曰鹵勢雖云請和變態豈能豫料倘或渝盟則大同一鎮首先受敵及今無事之時若不早為措置一旦賊至又

似前日束手無策中國受侮已深邊事豈容再壞鹵
既退欲大興屯田苦民力困乏牛種俱無疏乞官為
措置四年秋病召還京登初至大同士可戰者不及
數百馬百餘疋不數年馬至萬五千匹精兵數萬人
登智勇無倫紀律嚴明料敵制勝動合機互一年百
戰未嘗挫衄以已意設為攪地龍飛天網鑿深塹覆
土木人馬通行如履寔地賊人入圍中令人暗發其
機自相撞擊頃刻十餘里皆陷賊傳以為神天順元

年奪爵為都督僉事掌南京中軍府事是秋謫戍甘肅未幾召還充團營總兵八年卒謚忠武登性至孝有文武才母疾兩割股作羹以進居喪哀毀骨立不肉食菽語者三年所上章疏揮筆立就尤工詩所著有聯珠集謫甘州詩有詩送岳正曰青海四年羈旅客白頭雙淚倚門親莫道得歸心便了天涯多少未歸人又曰甘州城南河水流甘州城北胡雲愁王關人老貂裘敝苦憶平生馬少游大學士李東陽評其

詩為國朝武臣之冠

楊洪六合人以祖蔭世漢中百戶洪生長在邊有機
變敏捷善騎射矢無空發百步之內取人百無一失
能出奇兵擣虛或夜劫營所出必勝累功陞都指揮
正統元年內臣韓政阮鵠疏短洪上詰二內官曰
此必小人指使汝上又每舉洪忠勇以勵諸將洪
益自奮洪守邊屯營專用鐵蒺藜尋以都督守獨石
敗酋宣府大石門寶昌州捕酋阿台打刺花斬首功

二百級正統十三年封昌平伯充總兵官鎮宣府鹵
畏洪不敢南牧見旗幟呼為楊王十四年鹵入敗我
土木上皇道宣府北狩去洪以閉城門不救乘輿
逮繫詔獄是年十月鹵犯京師出洪獄中與孫鏜范
廣等率兵一萬擊鹵涿州紫荆關處洪奮勇追逐直
至固安大捷十一月京城解嚴降詔撫安天下楊洪
等率師入見言鹵衆已盡絕其寔不過百餘散掠各
郡驅人畜以自擁衛望之若萬衆官軍不敢逼其南

去者各郡以漸捕獲之北去者洪等逐至關城烏既
奏捷以洪為昌平侯景泰二年賜世券還鎮宣府卒
贈穎國公謚武襄洪紀律嚴明將士用命敬慎自持
不敢專殺宣德正統景泰間稱名將諸大臣皆重洪
威畧每左右洪初指揮杜衡誣洪尚書魏原即訊雪
之部卒李友金誣奏洪上付洪自治洪以故感激
也先之難奮不顧身轉戰千里一時諸將洪功為最
洪子傑嗣侯言臣家一侯三都督諸蒼頭得官旗者

十六人乞停蒼頭職後許之未幾卒庶兄俊嗣俊先以擒叛監喜寧功陞都督

羅通吉水人曾祖仲淵負才具濶畧喜議論國初以富民徙寔京師永樂中上書言便五十事 文皇嘉

之 仁宗監國江寧令王凱上元令魏鑑造戰車不如法繫御史獄仲淵倡兩縣父老白枉後父老悔懼各散去仲淵獨詣東宮陳二令賢御史折之曰若以一人白兩縣長吏而兩縣父老皆不至公耶松耶仲

淵曰公私不在人多少誠公一人可耳 仁宗召詰
仲淵縣官誠賢戰車重事而誤之何仲淵頓首曰人
安能每事盡善 仁宗曰長者之言即釋兩縣令亡
何應天府丞坐盜官錢使人諷仲淵言如言兩縣官
仲淵不可曰兩縣官誤公事故得公言之府丞被私
罪敢面謾丞銜之目誣寄鈔十五萬仲淵所連逮責
償通二十餘登永樂十年進士授監察御史闡奏有
才畧北京新造發軍夫運磚通州潞河數百里相屬

轉徙十餘年不辨通建言罪因自徒流以下得運磚
自贖不數月悉盡法司以爲例巡按四川蜀王出入
用乘輿鹵簿一日遇通突收之王氣阻藩臬謂鹵
簿不當屬有司詣問通何所置之即上聞王罪且不
測通曰誠然公等試思之詰旦見報既無所報通曰
易耳移文與王云鹵簿故玄元皇帝廟中物復還之
耳玄元皇帝唐玄宗幸蜀所建老子廟也通始至蜀
士大夫稍易其年少至是皆驚通壹用璽書以威嚴

治而仲淵貽書戒之曰昔人治蜀文翁以寬武侯以
猛爾尚遠師相濟通受戒茲報命永樂十九年詔求
直言通應詔請罷巡邊與給事中柯暹御史白忠並
謫邊州通知交趾清化至南海有老人授之兵法曰
己巳之年需公大用是時交趾新屬性俗不通，簡
條教寬法令州故有妖杜能殺人計除之黎利叛宣
德元年陳智方政敗於茶龍諸郡震動成山侯王通
奉命往討大敗喪師割七城求鮮櫟所割城守將下

賊，無少長皆殲之。通說守將指揮打忠曰：「吾與若受天子命守城，豈以王通一妄人遂委棄耶？降者賊盡屠之，就死孰若死守？」清化人受吾拊摩六年矣，皆信我。萬一異城全忠為感動，簡練千人，晝夜防守。七月，黎利知城不下，卒來攻城，堅一夕。囊土山於東南西門外，高與城埒。通謀曰：「賊衆我寡，難以力勝。今給之約，日出降必少。急乘其怠，襲攻之。」是夜，率敢死士燃松火鼓譟出城南門，直搗土山，斬其梟勇數十百。

人盡焚其飛樓雲梯士民氣大振其冬王通復貽忠
書令下賊通堅拒不納明年正月朔安降將蔡福
來說通曰吾以若來助我乃游說耶斬汝矣福惶恐
退賊又遣人密說打忠通引張巡許遠事激厲之忠
曰死生唯君自是賊不敢嚮清化矣然王通竟為黎
利所敗宣宗棄交趾予之通乃與打忠懷印還權
道行在戶部員外郎總督口北開平一路邊儲九年
秋上巡邊通督餉不絕正統初改兵部武選司郎

中從尚書王驥都督蔣貴征鹵兀魯乃我師戰却通
立斬都指揮安遠以徇衆勢復振大敗鹵人還見驥
盡攘貴功驥惡之言通私中益索鹽商將領金帛裘
馬誘姦軍妻逮下獄謫北流縣容山閘官九年調東
莞縣河泊又三年為正統十四年己巳通聞王振擅
權玩兵鹵數寇邊憶所受老人言以河泊功次入京
果有土木之變廷薦通可屬大事復兵部員外郎守
居庸關尋進郎中通上言臣切見鄧艾取蜀：人却

守成都備艾劉裕取秦人却守潼關憐裕及艾從
釵閣緣崖躋攀而入王鎮惡東舟溯渭至咸陽秦蜀
已破而成都潼關守者猶未之知臣所障地京師後
門一或失守南入且久耳臣遍閱阨塞有口可通人
馬者七十所通八不通馬者百三十所須多方設脩
京師乃固又當使大臣一人總督軍務其權始重於
是景帝即命通為之陞右副都御史鹵擁上皇
入塞至廣昌破紫荊關守關給事中孫祥吉死鹵奄

至都城掠西北郊于謙等營德勝門禦之勅通興守
居庸關都指揮楊俊提兵入援方鹵破紫荆關俊使
旗牌官良密言欲本軍六十遁通縛良斬以徇說俊
曰紫荆既破京師孤懸旦暮望援軍遁居庸失京師
殆矣此社稷安危之機也君毋動我領君兵為君破
賊至是提兵赴援會德勝戰捷鹵還通亦還守關也
先與伯顏帖木兒謀曰中國精兵獨特居庸今居庸
入援與大城合而大同諸將遏吾歸路城外空無所

掠我等名送駕敗則且為取歸於我無功彼不見德
今計惟紫荆關兵皆遁爾奉 皇帝仍出紫荆我以
鐵騎攻居庸居庸不守我復亦合還嚮大城居庸不
可勝且奉 皇帝出塞然後議和 皇帝歸縱無大
功尚可市恩於中國也 先去伯顏帖木兒奉上
皇出紫荆也先領五萬餘人出居庸攻關通用水灌
城冰厚且堅固不能近通與守將謀曰我等所將大
半召募客兵不足恃因夜環鐵騎晝用衝敵計敗其

鐵騎乃可破也皆曰善鹵人卧比兩馬橫置革囊馬
上二人共宿鐵騎外繞之騎隨一大通藥羊肉熟之
鹵藥夜投之犬飽不嗥尋用膏繩連鞍馬足開門鼓
譟火砲四擊鹵騎跳躍鞍急不解砲擊之擒一酋斬
六級奪馬騾盔甲弓箭十計追回所掠人口五百餘
捷聞降勅褒獎於是鹵轉寇紫荆關京師戒嚴勅通
仍領口外軍入脩通直走紫荆與鹵遇戰敗之再戰
於完縣五狼河抄羊嶺敗之召入叅贊軍務理院事

景泰元年通疏比近日徵調邊軍入衛而遼東報鹵
來犯以千數此必彼中守將畏於內調輒將墩境外
一二達賊往來詐稱數千以止入衛之後夫遇賊十
餘人輒稱數千及云殺敗斬首十餘此邊將相蒙常
態甘肅寧憂大同宣府想亦如是即向者德勝等門
外不知殺賊幾何陞官至六萬六千餘人輦穀尚介
何況邊陲今宣府大同互屯重兵操練選武將驍勇
者充總兵官文臣副殺者總督軍務時遣曉胡語者

為胡人服出偵伺之白晝行營恐其望塵而遁抑埋
伏待我當令深夜急擣巢穴使卒無所施又古名將
如穰苴韓信皆起賤微今腰玉珥貂之輩皆全軀保
位憎賢忌能無報國奉公之忠乞勅兵部五軍都督
府詢察武衛中有信直其人與議行之臣入仕年久
頗識邊情區區憂國敢用陳奏下兵部尚書于謙不
悅覆奏近日諸邊守將累報聲息若如通言一槩不
寔恐其果警且怠不奏德勝之戰當先者萬九千八

百八十八陞一級陣亡者三千一百一十八人陞二級其餘齊力之人給賞而已并無六萬之多通云殺賊幾何王將臣譙同武清侯亨等已陞職爵革去官軍俱且不陞通請屯兵宣大臣已先奏遣武清侯亨昌平侯洪同往通請推選武職已奉詔書舉到者送亨試驗如苴如信未見其人武清侯亨昌平侯洪安遠侯溥則首珥貂都督廣都督鍾都督穎等則身腰玉出戰居守殊亦有功不見全軀保位之情久任悉

邊通所自薦必有所知乞就令保舉通又欲得剛毅
之臣總督軍務念臣謙素劣乞罷臣官別選其代或
就令通詔廷臣將謙通所言會議皆言石亨楊洪于
謙三人戰守總督寔堪任使羅通凱貶過當然其志
寔在禦敵惟陛下委仕如初帝亦詔解之頃之
宣府總兵朱謙言有達賊二萬餘入犯謙上言口外
軍民連歲被兵不能種藝恐鹵一旦擁衆以送駕為
名突至太原搖動山西臣選有謀畧文職大臣往鎮

楊洪亦乞遣文職大臣率兵出雁門用鹿角搆營護
山西餽運大同意俱屬通遂請通往通謂譙惡而出
之言譙洪共建此策當令與臣同行譙請行上仍
以命通提兵至懷來逐鹵出長安嶺外會鹵亦退
班師還協贊京營軍務三年轉左六年加太子太保
兼右都御史進階資政大夫景帝不豫石亨張軌
以迎復上皇密謀通曰吾觀天象事必濟從之
上皇復位賞不及通自言通于三人俱得叙亡何丁

艱居家天順三年起右都御史既至請老進榮祿大夫致仕賜傳歸通弱冠登第間關南北者五十年家居不治生產親友過從詩酒相娛年八十餘一日不憚沐浴更衣家人進藥搖首曰羅通生死豈在艸木遂卒成化六年遣官致祭弘治十八年隆慶州父老奏已巳之變通守關有功宜表忠良以勵臣節勅祠居庸關水旱疾疫邊人至今禱焉通有曾孫大紘為給事中以直諫有聲

石匱書曰已巳之變內有于謙善謀石亨善戰外有郭登楊洪善守是以京師危急而九服宴然良繇大同宣府為之扞蔽也先恐宣大議其後長驅深入而不敢曠日持久解圍遽去向使登洪棄宣大不守則鹵騎蹂躪出入自如孰敢撓其鋒邪故羅通之守居庸使宣大兵一騎不得度居庸而京師之聲援益壯其功豈在登洪下哉

石匱書卷第九十九

明 叙南張岱著

袁彬李實劉安沈固朱鑑列傳

袁彬者江西人 英宗北狩彬以較尉見 上察其
能書畱之 上在鹵中惟彬與哈銘沙狐狸三人朝
夕左右彬以能書故獨著哈銘故與其父只為通事
被畱沙漠知 上在脫衣易羊一牽以見 上以銘
曉鹵語亦畱之而沙狐狸者不知其所始鹵擁車駕

扣宣府大同門從居庸關抵京城下不納迂入鹵營
皆彬與銘從上下關坂晝夜度澗河涉險冒凍周旋
夾持 上有宣旨通書則使彬 上在鹵帳冬夜與
彬銘同寢彬脇煖 上足銘常睡熟手壓 上胸
上俟其翻身徐下之而沙狐狸往返取水負薪皆叩
頭白也先異之召問其名姓彬為人溫美多計數善
言笑時為隱語而哈銘沙狐狸亦能諧謔悅 上以
解 上之岑寂內官喜寧者故夷種也先之擁車駕

扣宣府大同躡關而趨京師皆喜寧誘之既不得則
復欲擁趨寧夏得其卒騎送 上入南京彬與哈銘
言京師絕鹵何遽得入南天寒甚 陛下必無行

上止喜寧計不得行言鹵欲殺彬及銘者屢矣鹵抽
羊捆載彬之蘆中而將剥彬膚開彬膛 上使銘往
救竟用談芡解也先請以妹尚 上彬請 上辭之

曰返國而後聘彬中寒 上手治糜壓其背汗浹乃
已熟羊髀召而與共啖之 上稱引嚴光事銘常睡

熟手壓我胸也無似之邪銘叩頭萬死萬死也先問
過上皇帳閒語曰皇帝所治臣若民及日之出
沒領四十萬衆來邊外顧不得一人用得用獨哈銘
哈銘皇帝身若口也無哈銘皇帝言也先不知
也先言皇帝不知皇帝歸還為皇帝宜善視
哈銘上曰我不視哈銘誰當視哈銘上還景
帝以彬為試百戶既復位超遷錦衣都指揮僉事而
摧銘為指揮同知賜姓名楊銘沙狐狸為百戶賜姓

名李成賜彬城東第一區使中官改面勢引太液池
通穿中御溝役千人彬娶使太舅孫顯宗主之先後
賜予甚多間召宴對畧用家人禮彬果遷都指揮使
而百戶門達較尉逯果者積官與彬並治鎮撫

上欲裁抑石亨曹吉祥授彬意彬避謝不敢以屬果
果任之石彪坐誅吉祥從子昭武伯欽恐不免殺果
叛果死門達治鎮撫如故達始為都指揮僉事時
上有斫付獄多平反中外喟然稱之及其繼果乃學

果所為以自媚於上達在上前與李賢竝見信
百官畏下獨彬倚舊恩自如達念得言已於上者
惟彬若賢察知彬妻父千戶欽藉彬勢誣人財目奏
請下彬獄法司論贖徒還職而尚未快有罪人安者
故以錦衣力士為彬卒坐法戍邊遇赦還政府軍前
衛達因令安言其得還政府軍也是彬與請託於是
復言上捕彬而訐彬受石亨曹欽及諸干謁者餽
遺多用官木造私舍索取內輒奪人女為妾凡數十

事上不悅曰彬倚故人恩負我雖然法當行還我一活未彬足矣他任治之達退執彬下獄剗髻更下彬不勝苦且誣伏長安中有男子楊墳者善漆工其泥金畫漆得倭國法其精巧乃出倭上巧工也墳素不識達奮然擊登聞鼓上書言駕留鹵庭危從臣庶奔走逃生保護聖躬唯彬一人今者無人奏劾卒然付獄拷掠備至法司雖知其枉豈敢辨明乞以彬等御前審錄庶得明白臣本草茅身無祿秩見此不

平昧死上奏并下達治達志苦之百餘曰此必有人
甚汝墳恐遂死不得白又知達意在賢謬曰小人有
陰事且告公達喜曰前：墳愛耳達曰墳小人何辨
此：李學士草耳達益喜趣罷苦出湯沐：墳謬曰
之奏請三法司會鞫午門外欲執賢置對監獄者太
監裴當曰此小事李公大臣也乃罷墳至午門懷其
餘肉大呼曰天乎冤哉小人也何從見李閣老死則
死耳敢妄指門指揮謬曰小人令引閣老也肉今在

且言即有餽彬者恒倍餽達厯指數之法司畏而不
敢盡聞論彬贖絞項斬上調彬南錦衣帶俸閒住
毀所賜第禁錮頃而李賢亦得免憲宗即位達得
罪論死廷臣言彬枉召還如故而達論死繫獄久之
得減等戍南丹時彬已自南還錢達郊贈之金良厚
諸公以此多爲嘉靖中特錄彬孫天章爲錦衣都指
揮食事以報彬翼衛功成在英宗時既得爲百戶翼
轉官徑入求內府上怒下錦衣鞠之楊銘與達官

也先帖木兒謀脫成罪會 上幸曹吉祥第也先帖木兒為成請 上知出成獄謫貴州衛副千戶後遇赦俱復官銘以荆襄功進錦衣指揮使至弘治中猶為大通事而成不知其所終

李實合州人正統乙丑進士為人恣肆無拘羈顧傾狡有口辯景泰初為禮科給事中 太上皇居鹵時鹵遣叅政完者脫歡來講和朝廷遣使必得如富弼文天祥者衆難其人實自請行遂陞禮部右侍郎以

右少卿羅綺為副勅出不及迎復事實驚白內閣太監興安詒曰余弟奉黃紙以行他何知既至見也先也先問侍郎何為來實曰自太師祖父至今朝貢中朝三十餘年矣使臣進馬中朝好待減少馬價皆奸臣王振為之乃致太師動兵 聖駕被留今尾刺知院以可汗太師之命特遣叅政求和 皇帝所以使我來也 先曰減少馬價奸臣為之興動軍馬事必成大我中心送 皇帝還朝中朝不迎我使張關係

岳謙入奏又復殺之則是何故實曰太師漫山而來
不繇關道從人作寇復分寇諸關，保謙名為使臣
引鹵張弓矢輒開殺中朝 皇帝不能無疑於太師
也曰此不過送駕為詞耳也先曰我遣者盈不花二
人又何故殺之我足以有寧矣之舉實曰沿邊關口
多者十餘萬少者亦不下二三萬人太師向日南侵
其父兄死焉今其報者皆子弟也此亦人情且太師
所遣若無南使同行或為兀良哈所害或為守邊軍

士所殺又烏得知之軍中割一首不有陞官即得賞
功即中朝有割首賞亦何知是殺太師所遣之人也
也先曰我遣李貴又不見還何也實曰無有李貴既
曰我知之矣近者夜不收言大同城東可八里許見
有殺屍四五十餘一屍探其囊中文書云太師所遣
人邊軍畏而不收聞朝廷此必貴也太師遣貴齎文
書而已朝廷又不知若叅政等未朝廷知之重賞李
待持遣我報命肯殺之耶也先曰我遣喜寧何以殺

之實曰喜寧中朝罪人也自幼及長層累蒙恩令齎
金帛以迎上皇腹心託之乃引領太師入寇京師
復寇寧夏朝廷殺之戒不忠也先曰大明皇帝
我仇人也以天氣候落我手中我衆再三教我殺害
我固不肯使得知院朝夕恭敬若我落大明皇帝
手中大明皇帝肯留我不實曰此太師德然皇
帝於太師亦有何仇也先曰侍郎來甚善不我又大
舉矣目治酒餉實贈之馬與行三十里所引見上

皇上皇對實言當日任用匪人之故引咎自責謙退
避位懇切酬對實叩頭流涕言 上皇還京有日珍
重萬千既歸也先營也先殺馬為酒令十餘人彈琵琶
吹芎兒按拍勸歌也先曰侍郎來時心無恐與實
曰何恐之有通使講和以禮為上太師營中即我一
家也先曰侍郎見 上皇心無念與實曰有不念邪
我等之念 上皇猶太師之念可汗也 先曰念則
曷不迎實曰朝廷四遣金帛矣太師不發也即與我

迎歸相勞故不薄也先曰上皇留此我固不得

皇帝之我欲留千載後名一好男子今送上皇還

矣顧侍郎所奉勅書初不及迎事皇帝歸故不可

輕侍郎往可請今皇帝遣一太監或老臣三五人

如禮而至上皇歸也因遣其酋與羅綺往大同山

西一帶調回擾邊人馬以示信語實迎駕期實曰臣

子不敢自為期需朝命因辭上皇退也先遣其右

丞把禿與俱來實還為景帝道爾寔請和無他意

上皇自此還往迎者楊善

劉安宿遷入父榮以禦倭功封廣寧伯安襲父爵鎮
守大同 英宗陷鹵，奉車駕至大同城下副安守
大同者都督僉事郭登閉門不納安獨與侍郎沈固
給事中孫祥知府霍瑄從竇出見伏地慟哭進膳羞
袍鞞出藏金犒鹵因具述於朝 景帝怒按罪降職
上復辟德之進封為侯勅曰惟爾父江事我 太宗
克奮忠勇為時虎臣寔啓名封爾安事朕繼志崇勲

天步艱難捐軀赴難入不測之鹵効救主之誠疾風
草勁板蕩臣忠古有所云爾今其庶茲眷爾忠特封
為廣寧侯世祿千石賜誥券爾尚益勵前忠保爾祿
位欽哉五年以定曹欽叛加太子太傅命掌右軍都
督府事卒追贈嶧國公謚忠僖

沈固丹陽人 太祖時固八歲以能誦大誥召赴闕
賜寶楮還年十一補邑庠生弱冠領鄉薦入國子監
選理刑內臺擢沂州同知徵入為戶部員外郎以才

勅理鹽筴廣右督運西茶於四川六番進郎中出為
山東右叅政督餉給軍迤北還仁宗即位以叅政
同武安侯鄭亨鎮大同宣德中命與武安及叅軍都
指揮張儉統兵行邊召赴闕議事稱旨英宗踐阼
以同久在邊賜璽書勞之三年與征西將軍方政游
擊將軍楊洪統兵護送貢使出境因絕漠度赤山追
勦叛酋還居二年陳邊事甚悉六年命兼總理兵食
二事賜總督邊儲印記七年陞戶部右侍郎居二年

邊事益急固遭母喪奪情視事再乞終制不允赴鎮
上邊情十策朝議不決而罷十四年夏鹵果渝盟得
諜先報至秋大入朝命西寧侯宋瑛督戰不利諸將
或死或逃固居守獨完車駕北狩復至大同與廣寧
伯劉安出城朝見上命括金帛犒鹵或難之固曰
府庫皆上物也今有急不命猶出之矧復有命盡
獻所有具聞於朝景帝下吏部較勘有無欺隱竟
白其冬以城守勞進右都御史固上言自鹵變以來

臣承命守城晝夜營，圖殺賊雪恥。奈才識短淺，無所建明。今且拙笨，不敢望行乞採可否。文多不載。二年以却鹵功轉左都御史，尋赴闕議事，乞致仕。從之。上皇復辟，石亨言固於上，召見便殿，褒諭再三。即日陞戶部尚書，賜金幣，加岐南香帶，金織雲鶴襲衣。贈誥命，加贈其祖父宸游嘉宴，輒召以從，賜珍果異物。三年以老乞歸。成化元年進一品階。年八十一卒。回事五朝，游歷華要，遂掌臺省幾五十年。在大同二

十七年賜璽書前後三百餘函所上章奏不下數百
居常興學育才不用武衛廢文教臨危處變救始拯
敗邊圉以壯為人魁梧個儻多籌畧善談論尚德義
喜功名

朱鑑晉江人父則文用孝著名鑑成童剗股愈父
竟不愈哀毀踰常力貧奉母永樂中以舉人授蒲圻
教諭宣德初擢監察御史巡按湖廣梅花峒賊蕭啓
寧等久勦無功鑑詣諭皆解散湖湘風俗務外貨殖

男女過三十尚無室家鑑申明洪武禮法旬月之間
結親者動萬計考滿當代右都御史顧佐等奏留久
之正統初復命巡按廣東多所建明欽州叛民黃金
廣等嘯聚為毒鑑指示諄切亦遂向化代還朝命成
國公朱勇簡都指揮等官三百餘員習孫吳兵畧歷
代臣鑒等書擇御火有文武才者董其事右都御史
陳智推鑑乞開談武學以典武科奏可遂為定制
七年陞山西左叅政請卹軍民凡數十疏多見嘉納

土木之變 景帝監國陞右布政尋進右副都御史
巡撫山西鑑言臣聞 聖駕被留鹵庭傾血刺心額
天、高叩地、厚夫千金之于坐不垂堂况 皇上
生長深宮遠行不過天壽山近行不過北海子何至
舍唐虞三代之聖謨蹈懷愍徽欽之覆轍輕為孤注
親屈萬乘是何奸邪竊弄坐使蹈此危機夫既往難
追方來當謹臣恐鹵寇奸詭百端去而復來取而復
索節據剽掠殺擄動數十萬却以請和結親為名夫

結親不已必索歲幣索幣不已必欲分疆以國家有
限之物充醜鹵無已之求若不整兵報復殆見主靈
不安兵法有云千里趣利者蹶上將百里軍半至今
被寇數十里趣利兵將不蹶我軍以佚待勞及蹶上
將軍豈無故哉彼以賞罰得專其權號令得行其志
父子相救兄弟相援所掠之物皆歸私室我以賞罰
必聞朝廷號令皆制監軍將佐不和士卒無恩有所
得物必解公家今以結親為繇遣使來京一則覘我

虛寔以報彼首一則通我達軍以圖山應既假送駕
為名敢不開關迎接我欲出兵抗拒彼則指駕為辭
其謀既深我慮至遠至急擇將練兵暫停中貴監軍
假以生殺賞罰重整散漫之兵復募壯勇之士罄奸
邪之積發太倉之陳重懸賞格厚酬爵祿惟圖功成
勿惜國費給賞我軍勝餽外寇再徵勤王之兵名為
復仇之舉指日刻期夾攻並進也先如果送駕結好
寔未可喜虛愈當防至使收歸胡黨招回游騎令我

軍民出作入息令我牛羊朝放暮還省去人馬飲走
兵甲單入單騎以來送駕仍令驍將擁兵居庸以慎
防守暫且苟安於今日再行整計於來年臣又切見
太監王振毒亂天下震驚神器自江南草寇生發皆
以誅振為名自侍講劉球之死中外以殺諫官為諱
古云事歸朝廷則治宦官則亡史冊所載理必不誣
為厲之階莫甚於此經曰開國家承小人勿用傳曰
小人之使為國家災害並至誠哉是言可不慎與

高皇帝與群臣議事必屏去左右恐洩事機有妨國
政書曰監於先王成憲其永無愆詩曰儀式刑文王
之典日靖四方伏望聖母陛下邇王殿下念祖宗開
創之勞將相被卧之苦置此多方欲傳萬世張主維
持急立儲君選智勇託忠義開直言杜權勢軍國重
事委任大臣早革內侍之權升造中興之業庶雪前
恥以圖後功 太后讀其疏至於泣下景泰元年奉
勅專一鎮守雁門鹵入雁門與鹵戰鑑麾下壯士

陳福者躍入陣逐北數十里明年戰代州鹵園我數
重天下如雨福殊死戰奮擊潰圍多所殺傷鹵為震
却 太上皇還京 景帝出邊將各出精兵左右掩
擊鑑謂未可上疏曰臣聞帝王不計小忿以安民不
尚輕敵以全軍漢高不報平城非力不能休息天下
也李牧收保不戰者非兵不足欲養銳也先慕
義請和送還 太上皇帝彼以誠來我以誠報且其
大營近邊尚未遠去我師一動彼類當知不曰搜剔

別胡必疑追逐他黨我既失信彼且無狀為今之計
莫若慰賑邊民委將守脩犒兵招逋勸農資稅募入
粟廣屯田募馬政休養軍民固安邦本鹵果桀驁不
悛我乃屯兵要地小入則一衛掩擊大入則諸衛夾
攻蓋彼盟既叛我出有名今邊境稍靜道路初通芻
餉初脩未及旬月遽欲興師臣深謂未可詔亦嘉納
焉因命無往來巡撫山西地方 景帝既立東宮貽
陳循書曰適奉明旨更封沂王僕竊遠聞心殊未安

夫前者至尊蒙塵宗社安危非得長君人心未定姬
周輔成不得已也今鑒興既歸曆數有在委衆而治
亦無不可太子仁孝天下共知在廷文武群臣共立
不能夾輔烏可易置僕復有言皇上於太上皇論
骨肉則當避位以全手足論尊卑則當固讓以盡君
臣奈何藉口防微反為幽閉珍羞節其日膳雉堞增
於宮牆是可忍也孰不可忍也循省書怒甚亡何鑑
乞致仕鑑按廣東激揚風裁平反冤獄粵人春秋祠

之所為出巡錄條教禁約排偶撮切里師長老挈訓
童蒙此法家言

石匱書土木之陷死事者十三而跳身遁者十七天
子坐地上而左右顧無一人焉此英宗之所以終
思王振也袁彬哈銘沙狐狸以蛇從龍脇足之榮無
異加腹後皆瀕死詔獄竄之遠方李實問候上皇
其應對不減楊善歸無殊賞劉安以大同出見甘獲
重譴沈固以括幣擣鹵遂致淪夷朱鑑戀南宮心

非易儲忠愛出人乃當復辟之後毫無寵禮盡棄泥
沙漢故少恩乃至是哉